



**TAJUK KHUTBAH JUMAAT**

**Siri: 20/2023**

**KEMULIAAN ILMU DAN SANJUNGAN  
TERHADAP PARA GURU**

**19 Mei 2023**

*Bersamaan*

**28 Syawal 1444**

**DIKELUARKAN OLEH:**

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## KHUTBAH PERTAMA

الْحَمْدُ لِلَّهِ الَّذِي عَلَّمَ بِالْقَلَمِ، وَعَلَّمَ الْإِنْسَانَ مَا لَمْ يَعْلَمِ،  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،  
اللَّهُمَّ صَلِّ عَلَى سَيِّدِنَا مُحَمَّدٍ، عَبْدِكَ وَرَسُولِكَ النَّبِيِّ الْكَرِيمِ،  
وَعَلَى آلِهِ وَصَحْبِهِ وَسَلِّمْ تَسْلِيمًا كَثِيرًا.  
أَمَّا بَعْدُ، فَيَا أَيُّهَا الْمُسْلِمُونَ، اتَّقُوا اللَّهَ حَقَّ تَقَاتِهِ،  
وَلَا تَمُوتُنَّ إِلَّا وَأَنْتُمْ مُسْلِمُونَ.

**Sidang Jumaat yang dirahmati Allah sekalian,**

Pertamanya marilah sama-sama kita meningkatkan ketakwaan kepada Allah SWT, yaitu dengan bersungguh-sungguh melaksanakan segala perintah-Nya, dan bersungguh-sungguh meninggalkan segala larangan-Nya. Bertaqwalah kepada Allah SWT pada zahir mahupun pada batin kita semua. Sesungguhnya, hanya dengan bertakwa kepada Allah SWT sahajalah, setiap manusia akan memperoleh rahmat-Nya dan tergolong dalam kalangan hamba-Nya yang berjaya di dunia dan di akhirat.

Mimbar mulia pada hari Jumaat kali ini akan membicarakan khutbah yang bertajuk:

**“Kemuliaan ilmu dan sanjungan terhadap para guru”.**

**Sidang Jumaat yang dirahmati Allah sekalian,**

Sebagai umat Islam, kita semua maklum bahawa ilmu pengetahuan merupakan sesuatu yang sangat penting dan mulia dalam kehidupan. Samada kehidupan duniawi mahupun ukhrawi. Ilmu pengetahuan juga merupakan cahaya yang boleh membimbing kita semua menuju kebenaran dan kebijaksanaan. Sebagai hamba Allah, kita diperintahkan untuk mencari ilmu pengetahuan, kerana dengan ilmu kita dapat menyaksikan dan memahami kebesaran Allah SWT serta menjalani kehidupan yang lebih baik.

Firman Allah SWT dalam surah al-Mujadilah :

يٰۤاَيُّهَا الَّذِيْنَ ءَامَنُوْا اِذَا قِيْلَ لَكُمْ تَفَسَّحُوْا فِى الْمَجٰلِسِ فَاَفْسَحُوْا يَفْسَحِ اللّٰهُ  
لَكُمْ وَاِذَا قِيْلَ اَنْشُرُوْا فَاَنْشُرُوْا يَرْفَعِ اللّٰهُ الَّذِيْنَ ءَامَنُوْا مِنْكُمْ وَالَّذِيْنَ اٰوْتُوْا الْعِلْمَ  
دَرَجٰتٍ ۗ وَاللّٰهُ بِمَا تَعْمَلُوْنَ خَبِيْرٌ ﴿۱۱﴾

**Maksudnya:** Wahai orang yang beriman! Apabila kamu diminta memberi lapang dalam majlis, maka lapangkanlah, nescaya Allah akan melapangkan untuk kamu. Dan apabila diminta kamu bangun maka bangunlah, supaya Allah meninggikan orang yang beriman di antara kamu, dan juga orang yang

diberi ilmu pengetahuan akan beberapa derajat. Dan Allah Maha Mengetahui tentang apa yang kamu lakukan.

(Surah al-Mujadilah: Ayat 11)

Berdasarkan ayat al Quran di atas yang memperihalkan kurniaan derajat yang tinggi kepada para ilmunan, kita memerlukan bantuan daripada para guru yang telah memperoleh ilmu sebelum kita. Guru adalah orang yang mencurahkan ilmu pengetahuan, membimbing dan memberikan wawasan untuk kita menjadi lebih baik.

### **Sidang Jumaat yang dirahmati Allah sekalian,**

Sebagai umat Islam, kita diperintahkan untuk menghormati guru dan memberikan sanjungan kepada mereka. Salah satu perkara yang menjadi faktor utama keberhasilan sesuatu proses pencarian ilmu adalah hormatnya murid kepada guru. Sebagaimana dikatakan oleh Syeikh Az-Zarnuji dalam kitab Ta'lim al Muta'allim yang bermaksud:

“Seseorang penuntut ilmu itu tidak akan memperoleh ilmu dan tidak akan mendapatkan manfaatnya kecuali dengan memuliakan ilmu, ahli ilmu, begitu juga memuliakan gurunya”.

Begitu juga Sayidina Ali bin Abi Thalib كرم الله وجهه pernah berkata, “Aku adalah hamba orang yang mengajariku satu huruf. Seandainya orang itu mahu, dia boleh menjualku, memerdekakan aku atau memperhambakan diriku.”

Dalam nukilan ini, kita dapat memahami betapa pentingnya ilmu pengetahuan dalam agama kita, dan betapa mulia para guru yang membantu kita untuk memperoleh ilmu pengetahuan tersebut.

Namun, dukacitanya, dalam beberapa isu mutakhir ini, kita melihat bahawa para guru tidak dihormati seperti seharusnya. Ada peristiwa di mana pelajar tidak menghargai guru mereka dan melakukan tindakan yang tidak selayaknya, seperti menghina bahkan melakukan kekerasan fizikal dan saman menyaman hingga ke mahkamah. Hal ini sangat mendukacitakan, kerana guru seharusnya dihormati sebagai pihak yang memberikan ilmu pengetahuan dan membimbing kita untuk menjadi lebih baik.

Sekiranya berlaku sebarang pertikaian antara murid dan guru, perlulah ianya diselesaikan secara harmoni. Ibu bapa pula janganlah mengambil pendekatan seumpama mencurah minyak ke atas api ketika berdepan dengan situasi tersebut dan bertindaklah secara tenang serta bijaksana.

Kita harus memahami bahawa para guru adalah orang yang pernah berjasa dalam membentuk masa depan kita dan membimbing kita menuju kebenaran. Hargailah dan hormatilah guru dengan bersikap baik dan menyantuni mereka.

### **Sidang Jumaat yang dirahmati Allah sekalian,**

Sebagai akhirnya, bersempena sambutan hari guru pada tahun ini, mimbar sekali lagi ingin mengajak seluruh umat Islam untuk menghargai jasa para guru. Marilah sama-sama kita berdoa agar semua yang bergelar guru dan seluruh warga pendidik, semoga mereka dalam keadaan sihat dan sejahtera untuk terus menabur bakti mendidik anak bangsa. Semoga kita semua dapat memperoleh manfaat dari ilmu pengetahuan dan menjadi hamba yang lebih baik di sisi Allah SWT. Aminnn...

أَعُوذُ بِاللَّهِ مِنَ الشَّيْطَانِ الرَّجِيمِ

شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَائِمًا بِالْقِسْطِ لَا إِلَهَ إِلَّا هُوَ

الْفَرِيزُ الْحَكِيمُ ﴿١٨﴾

**Maksudnya:** Allah menerangkan (kepada sekalian makhlukNya dengan dalil-dalil dan bukti), bahawasanya tiada Tuhan (yang berhak disembah) melainkan Dia, dan para malaikat dan orang-orang yang berilmu (mengakui dan menegaskan juga yang demikian); tiada Tuhan (yang berhak disembah) melainkan Dia; Yang Maha Kuasa, lagi Maha Bijaksana.

(Surah Ali Imran: Ayat 18)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،  
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،  
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ مِنْ كُلِّ ذَنْبٍ،  
فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.

## KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا  
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

**Sidang Jumaat yang dikasihi.**

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا  
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ  
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ اشْفِ مَرَضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ السُّلْطَانَ مُحَمَّدٍ الْمُكْتَفِيَّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ زَاهِرَةَ، سُلْطَانَةَ تَرَغَّكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَوَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ زَيْنِ الْعَابِدِينَ.

Ya Allah, Ya Rahman, Ya Rahim

Perbaikilah hubungan antara kami, pertautkanlah hati-hati kami dengan penuh kasih sayang, limpahkanlah dalam kehidupan keluarga kami sakinah, mawaddah dan rahmah. Hidupkanlah semangat bekerjasama dan bersatu padu dalam kejiranan dan qaryah kami.

Kurniakanlah kepada para belia dan remaja kami jiwa yang mantap, iman yang teguh, ilmu yang bermanfaat agar mereka menjadi generasi al-Qowiyul al-Amin, generasi yang hebat lagi amanah. Jauhkanlah mereka daripada perkara-perkara yang boleh menjatuhkan maruah diri, keluarga, masyarakat dan negara.

Ya Allah,

Tunjukkanlah kami jalan-jalan kebaikan dan kesejahteraan, selamatkan kami daripada kegelapan kufur menuju kepada sinar iman, peliharalah akidah kami berpandukan akidah ahli sunnah wal jamaah. Janganlah Engkau pesongkan hati kami daripada kebenaran. Akhiri hayat kami dalam keadaan Islam dan Iman.

Ya Allah,

Jadikanlah negeri Terengganu, negeri yang aman dan damai. Bukakanlah pintu-pintu rezeki dari segala penjuru. Jaukanlah negeri kami ini dan negara umat Islam seluruhnya daripada segala malapetaka, musibah dan apa jua kemurkaanMu. Amin Ya Rabbal alamin.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.  
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.  
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،  
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.  
□ قُومُوا إِلَى صَلَاتِكُمْ، يَرْحَمْكُمْ اللهُ.